

أه من الأرض

ترتوى من دم ولادها
تطرح بكى واحزان
فرعها حيران ما بين فاسد
وبين غلبان
والحيره تتمد لجذورها
اصل الولد شال حملها
على كتافه ولا قال الآه
ومات شهيد
وحقه راح يا ولداه
وايد تسلم ايد الشقى
ودموع بتروى غطان
م الظلم متشققة
وبحر الظلم ما يجف
طوفان اعمى يأكل ويحف
والغناوى صراخ ونحيب

وازاى هنزرع فرح ف ارض
بور ماينفع فيها تقليب
وصرخه مولود بتنادى
جيت يابا الدنيا مالقيت
ضحكه ولا فرحه ولا حتى
هدوم العيد
ولو عارضت اتخرس بنار
وحديد
ويقولوا اصله عميل
والعمى خلى ضلعه يميل
ويتكسر جوه القلب
ما يشوف غير ويل